

四庫全書

集部

欽定四庫全書

曹文貞公詩集卷七

元 曹伯啓 撰

七言律詩

中秋夜不寐

露下遙空人未眠，佳辰慙負嫩涼天。  
鄭聲統耳非常夜，庾興闌心似去年。  
商馭解紛聊自足，桂輪排闥爲誰圓。  
虧盈見說無終極，坐聽寒蛩思黯然。

長安早發

夜氣溟濛塞兩儀，客懷牢落動清悲。  
月明宿鳥啼烟樹，風勁寒蟬泣露枝。  
西北鄉關除夢到，東南民力謾心思。  
路難無奈篙師促，八月長安早發時。

湖頭鎮阻雪

湖頭連日駐征鞍，客舍蕭蕭風雪寒。  
恍似伏波思弟切，翻思韓愈度關難。  
旋沽村釀連愁飲，重檢家書忍淚看。  
病僕羸驂欲何往，一壺天地正漫漫。

金華道中

青衫落魄可憐生  
誰爲賢勞賦此行  
雨困肩輿山逕滑  
霜增眼界野塘清  
氣隨天意無南北  
德洽人心有重輕  
悵望蘭皋艱苦地  
令人低首憶初平

過長橋書所見

柳如青幟導姑蘇  
橋若垂虹飲太湖  
渺渺天光接波浪  
淒淒秋色上菰蒲  
行囊只贖新詩藁  
身世端如古畫圖  
獨倚危欄追往事  
鴈銜霜信下平蕪

遊西湖

鬱鬱羈愁暑不堪  
畫船西出事奇探  
柳邊和氣蘇公路  
梅底清風處士菴  
已覺湖山入骨髓  
更容絲竹薦肥甘  
錦雲一段三千頃  
記取平生作盛談

雨宿無錫驛有懷潘景梁

泊舟夜宿城南驛  
借得幽房勝鶴籠  
急雨響傾千澗水  
薄寒聲透四簷風  
偶懷握手詩人面  
想像聯鑣御史駢  
千里相思腸欲斷  
中堂燈影看搖紅

和韓同知

荒城何喜餞皇華  
滿馬春光路不賒  
玉闥簪纓三輔客  
青雲冠蓋五侯家  
臨江醜酒情何限  
對節成詩興未涯  
從此東南民事樂  
使君和氣雨隨車

和丁仲謙

皎皎襟懷燦日暉  
生平蘊藉定誰知  
斷蓬轉地三千里  
老柏參天四十圍  
戀闕久思羊舌諫  
待時還作虎頭癡  
人間鼯鼠雖無用  
乘興宜教弩發機

金華客舍夜鼠爲祟囊有餘粟懸置榻隅羣鼠思  
竊食之歷戶樞緣屋壁墜者相繼蘇而復登感慨  
偶成

隨輦猖狂攬客心區區斗粟苦相尋前行墮地後不止  
我自絕糧渠復侵歸興渺然風瑟瑟壯懷如此夜沉沉  
欲投忌器空搔首盼殺羲輪輾宿陰

秋日宴江山樓

湖江東注接天隅吳越青山入畫圖平日勝游今日寂

世間煩暑此間無  
萬家樓閣蒼烟覆  
幾處園陵白草枯  
痛飲狂歌有真趣  
主人休惜酒錢麤

姑蘇館夜雨

雨館幽栖耿不眠  
單衾如洗夜如年  
梧桐井畔風波惡  
薜荔牆頭水樂全  
壓屋密雲滄海立  
照窓飛電玉繩連  
據床點檢平生事  
唯有青燈結淨緣

寄江陰諸君

六年踈僻賴相維  
猶記河邊酌別時  
歸興暮雲同縹緲



愁懷秋草共披離仕途縈折還幽谷世態崢嶸又奕棋  
想像芙蓉城裏住客窓頻讀送行詩

題完顏御史等官涉海圖

鯨波設險古猶今習俗何嘗計淺深風伯持人驚世路  
山黎厭客著官箴君臣上下無私意天地中間有此心  
遙想二公皆定力曾經人海看升沉

送琴士贇者張伯源遊東浙

靈臺寂寂湛空明萬古青山只麼青不待有弦知律呂

會從無極辨儀刑世間五色真盲晦雲底三辰未杳冥  
聞道東遊多勝賞草堂回首似蘭亭

酷雨

是歲征交趾開太湖

梅花消息小春天酷雨連宵響大川  
伐罪觀兵交趾路趣工興利太湖田  
雨暘僭忒非公論倉庾盈虛屬化權  
常記薰風遍淮楚村村香火禱神前

詠懷

擊豪卧虎事非難一柱中流頗自安  
冰炭聖賢猶未免

燕鴻時序不相干  
落花飛絮無春夢  
脩竹長松有歲寒  
月旦悄然明府去  
敢因俗議動悲歡

辛卯八月婺州途中用菊圃韻

書生身世短歌行  
貫日襟期答聖明  
衆苦小鮮遊沸鼎  
獨憐飢鼠攪寒更  
風雲慘淡千年會  
天地盈虛萬古情  
無象太平元有象  
翠微深處管弦聲

寄張仲豪

簿書形役愧同倫  
宦學如公有幾人  
勲業未慙賢相種

文章宜卜醉翁隣  
江淮去住風濤惡  
天地生成草木春  
珍重忘年欲傾倒  
短章聊爲寫情真

贈朱路教

春光已覺二分休  
到處鶯聲喚客遊  
醉裏顛狂從汝笑  
閒中滋味復何求  
人生貴賤有前定  
世事升沉無盡頭  
更欲小園謀一醉  
賣書應惹杜陵愁

送丁仲謙之杭州

十年師友更誰親  
四月江臯手重分  
不學輕交如覆雨

應知小厦未連雲鳳雛豈是籠中物龍種常思冀北羣  
此去文旌知不遠尺書朝夕願相聞

遊靈隱

山名嵒鷺嶺梵王城秋氣平分寶界清火宅久居心獨苦  
雲林初識眼增明禪關已被後參透仙洞誰教鬼鑿成  
慙負半生泉石約暫來偷暇洗塵纓

過姑蘇

城上雲山罨畫遮城中民物壓紛奢金銀璨錯三千界

丹碧連綿幾萬家  
麋鹿屢經成故事  
燕鷺依舊愛新花  
清貧本是書生分  
只想山林景物嘉

和王士美

十年里社記情親  
此日同登陌上塵  
孔氏家聲喧紫禁  
王生詩筆健青春  
梗楠定見爲梁棟  
魚鳥那知在網綸  
禮義擴充儒者事  
菜羹蔬食任吾真

次韻侯巖甫兼寄張景先

求官初擬報天倫  
南北營營役此身  
千里關山遮故友

十年塵土汙行人珠犀潤屋心非素詩禮傳家道自新  
邂逅還鄉觀二妙文章如錦氣如春

喪馬和平甫見贈

驂騑得自浙江西遠近重經揔不迷寒洗官河潮欲退  
暖行村逕草初齊德馴喜藉還家力病倒愁聞隔夜嘶  
昨晚侍親辭別墅杖藜踏雪路高低

送陳愛山教授歸餘杭

曳曳文旌出暨陽暑天形役興悲涼毛生有檄儒官淡

蘓季無金世路長  
數輩晚生傳道德  
十篇高誼見忠良  
蘭臺指日能相近  
鶚薦行看達尚方

丁亥清明東平寄二弟濟州學正

憶昨分携春正寒  
生涯到此又儒官  
客中度日今非易  
貧裏攻書古亦難  
接物謙和辭尚簡  
處身廉謹事容寬  
我行更別雙親遠  
莫負因風數問安

贈劉彥卿

抗塵南北六經秋  
拭目朝堂總俊遊  
聞道銓條待常品



便將心事擬清流  
酒徒未識新豐客  
舟子虛疑戶牖侯  
長路崎嶇行又錯  
看人騎鶴上揚州

贈元伯士瞻二友

器識參差德未倫  
白頭心事尚如新  
十年薄宦爲遷客  
四海親情有二人  
名族流芳各神俊  
聖經充體自真純  
眼中輕薄何須數  
它日南州願卜隣

壽李野齋學士

紫禁衣冠舊綺園  
玉堂儀彩更清溫  
自然官職名何重

無事威嚴道愈尊萬里春融誰可繼一宗元氣諒斯存  
辦香獻壽梅花底願比岷山活水源

寄菊圃憲副

十行丹詔發春雷一脉陽和遍九垓天下求安先肅政  
浙東何幸遇全材貪狼晝伏毛如立老鵲宵征氣已摧  
山谷饑民厭煩酷賜環消息不須來

次韻題蘭溪洞源壁間

南北器塵日夜侵好風吹到白雲深智仙久住誇山色

俗客初來戀竹陰萬事不如收脚坐三年應負掉頭吟  
疲民不忍加鞭箠誰識平生水石心

己丑冬和楊塘徐改之

大隱由來住遠郊簞瓢誰識是英曹陶潛未得尋歸計  
楊子元能作解嘲儘放陰陽催日馭且收風月入霜毫  
嗟嗟州縣勞生客千里關山馬骨高

犬馬無功答聖朝催逋去郭應宣條泥蟠曲逕頻蹙險  
寒迫孤衾倍寂寥間左凋傷徒軫念馬頭麾叱莫揚驕

早餘又值連朝雨桂玉艱難有衆謠

初至金陵聞憲府諸公詠梁武鑊蓮花想像爲賦  
欲致芙蕖水面風規規培植興無窮曾陪青草軒窓外  
忽幻紅衣鼎鑊中香色未饒春富貴本根元抱玉玲瓏  
誤承老柏垂清蔭拔地參天趣亦同

次韻申仲禮尋梅

世間紅紫俗難禁盼到梅時忍倦尋蠟蒂愛渠情不捨  
瓊苞想像意何深問樵旋覓溪頭路隨僕翻迷雪後林

自古詩人耽此癖可憐寂寞歲寒心

和申仲禮

紛紛榮悴閱春花慙愧山巔與水涯  
不揣散材難補世自投塵鞅却思家  
黃紬覆首爭槐蠶藜杖支頤數屋鴉  
歲莫情懷若爲守真同旅食住京華

次韻趙仲權留別

江干惜別重依依才學如君是俊奇  
櫪驥長鳴須北向雲鵬小却暫西之  
萱堂趣捧椒盤酒芹館誰賡柳絮詩

莫戀倚晴風景好不來簪盞慰相思

倚晴樓名

送潘景梁僉事之福建

仕學推先得兩優繡衣分柄鎮南州  
禮曹回首非新進  
憲府信眉是舊遊  
三楚冰霜隨馬策  
七閩泉石入詩籌  
計程似與梅花約  
在在清香滿道周

次韻毛潛夫詠懷

早歲功名意未闌  
便拋鉛繫客長安  
化工造育無偏陂  
物理盈虛有賸慳  
陌上紅塵摧面目  
夢中清露洒脾肝

於今不作求人計  
芹館依栖侍孔顏

送王庭瑞經歷之廣東憲司

聖政優優布四方  
繡衣賓幕姓名香  
海隅守令難求備  
天下浮誇喜變常  
神志高閒烟瘴遠  
道途縈遶世緣長  
慶門忠孝垂千古  
又見聞孫叱馭郎

送程前村之京口

善易學  
婺源人

四聖能知本一心  
却從流俗玩升沉  
江湖勝觀襟懷闊  
天地窮源造化深  
青眼相看常倒屣  
碧雲興感欲投簪

人生離合非無數送別江臯思不禁

題金御史所藏王彥章觀馬圖

後置以椅  
豹皮覆之

五季英豪王太師百年儀像見橫披  
眼中汗血真龍種身後聲華古豹皮  
偉節亭亭照今古高風凜凜動華夷  
珣璣一奮成忠義何似貂蟬老更癡

寄郝知事二首

詩禮漸摩氣已清  
冗官拋去世緣輕  
未應落寞傷時態  
想在淹留見俗情  
士類會談新德化  
我曾猶佩舊章程



歲寒獨有梅花樹凡草芳時豈見榮

山光水色古猶今人事聯翩苦見侵俗務日新公論減  
簿書星急吏權深名場久欲抽身去詩伯相陪擁鼻吟  
臺閣搜賢到巖薮故人能識向來心

蘭溪郊行

羸驂乘暇閱山鄉風景無邊眼力强千里稻雲蒸大冶  
一年梅澍積深塘虎狼竄伏天刑近鷄犬舒徐日馭長  
微祿每慙無補報欲將心事效平陽

泛舟次人韻

明月清風入素秋  
搖搖官舫泝溪流  
時違未要彈馮缺  
興淺還思上庾樓  
匹馬東來成底事  
孤雲西望不勝愁  
沙鷗不解人間事  
飛去飛來百自由

送何好禮御史按部江淞

鍾山橫翠楚江空  
寒氣隨君馬首東  
吳越英華詩有料  
吏民情偽事無窮  
雍容措置攄長策  
慷慨施爲合至公  
三道竚看豺虎靜  
早迴臺閣復生風

倚和吉甫提舉見贈雨中述懷詩兼寄王覺軒山  
長

風雨瀟瀟夜未央  
客牀孤寂似禪牀  
庸材敢望日三接  
佳士尚留天一方  
萬事到頭都是夢  
此心安處即吾鄉  
卜隣陽羨溪山好  
遠勝毗陵古戰場

覺軒二子頭角蘄然蓋乃翁生平積德設施所致  
因作數語頌之

西州文族姓名香  
階下三槐葆蓋張  
鸞眼不辭公府用

馬蹄常爲故人忙  
言思切直心無礙  
道合中庸氣自剛  
積慶更霑山水秀  
欲期陽羨作桐鄉

曹文貞公詩集卷七

欽定四庫全書

曹文貞公詩集卷八

元 曹伯啓 撰

七言絕句

題白御史畫馬卷

玉面騏驎金絡頭  
虎文龍翼氣橫秋  
乘時欲騁追風足  
制在奚官不自由

題雙驥並捩圖

龍種權奇勻骨肉筒耳鈴眸箭雲足爲君一飽死邊庭  
不作駑駘空廐粟

過白溝河

久聽人間說白溝兩朝曾此界中州而今六合無關禁  
依舊潺湲碧水流

九日省舅氏郭西獨行因書所見十首

田家桑梓碧幢幢過客鞭聲引吠龙終歲耕耘竟何有  
桑樞茅屋短蓬窓

霏微林霧慘秋容  
撩亂山禽起晚春  
營馬欲來糧已盡  
二三癯老訴年凶

翁媪携持陌上哀  
問之行答涕沾懷  
次男戰死涪州界  
欲問迴軍贖燼骸

五霸兵爭總禍機  
三王仁治但垂衣  
老農不解興亡事  
唯說今年豆角稀

浩浩陰風釀宿霾  
道邊佛剎記曾來  
蕎花不識秋光老  
猶向桑陰密處開



遙空無礙日淒淒過雨平田尚有泥極目斷鴻明滅處  
淡烟衰草一時低

松杉秋到影逾濃  
枳杜霜前葉半紅  
荒徑忽迷尋不得  
鰲躬還問牧牛童

豪家此日醉金樽  
驢背愁詩睡正昏  
野雉一聲驚夢散  
蒼烟起處是前村

十年辛苦益清貧  
自嘆儒冠果誤身  
盡說世間騏驥少  
年來誰是九方歎

闌茸營營祿有餘  
孔方羞澁只閒居  
小胥揮叱鄉人恐  
慚愧芸窓苦讀書

題市橋遊樂圖二首

小橋流水湛清波  
無限遊人載酒過  
恠得年來糧餉少  
田夫不及一分多

暖烟輕染柳條新  
和氣氤氳簇畫輪  
袞袞春風遊冶客  
豈知脚底有飢人

元夕會飲命教堂各賦一絕時招討張公在座

煌煌燈火萬家新和氣薰涵太古春有酒不妨連夜飲  
金吾同是座中賓

夜宿清河

雲屋人家星散居郭西烟火夜停車平生習氣今猶在  
拄杖敲門看讀書

保定

鬱鬱孤城百雉高當年粉堞盡蓬蒿清波忽見行人影  
慙愧紅塵染鬢毛

涿州觀寺

佛刹新脩古道傍  
挿天金碧晃朝陽  
人來爲問靈光殿  
霖雨今年草更長

贈畫師佟明之

易寫無鹽陋子都  
難形小白下夷吾  
英雄事業傳千古  
不假丹青作畫圖

題何舜卿魚水清白圖

橋梓相傳清白在  
君臣魚水千年會  
誰知一握小橫披

開國承家理無外

寄劉孝卿同舍二首

濟濟聲華久見稱青雲豪氣小陳登東州邂逅人非舊  
始信千年谷變陵

君立吳蒙伯仲間我慙失學侶君難何時握手文山去  
得使免曹刮目看

題葉賓月圖二首

廣文胸次瑩無塵明月知音自主賓更約飛廉作三益

祇防雲物忌情親

當歌對酒永相依  
妙契靈光燭萬微  
多少長安名利眼  
只知三五看揚輝

題竹枝畫眉圖

飄飄獨占碧琅玕  
湛湛秋波月一彎  
酷愛清聲能洗耳  
恍然羸馬度春山

過潯沱河

當年天意欲興劉  
倏忽冰凝水不流  
此日王郎如解事

韃橐弓矢便宜休

蠡州蟾河

一溪流水碧溶溶聞說蟾蜍在此中我亦去爲攀桂客  
相逢多在廣寒宮

用溪陂塘松庵壁間韻

松庵寂寂老僧閒萬壑千岩指顧間笑殺孔門憂世客  
西風塵土變朱顏

次范葯房韻題姜仲澤巖隱二首

紛紛塵土化朱顏有客知幾去不還大隱何妨在城市  
小樓終日對雲鬟

夷夏同聲詠息肩車書萬里舊山川承明臺閣諸賢在  
甘分林丘養暮年

定興喜見太行山

小年聞說此山名夢裏西遊隱見形今日得觀真面目  
却教低首愧山靈

湯興



聖道如天不可升文章徒寫衆人情窮年矻矻今逢暮  
兩字虛中學未成

謝朱鶴臯招飲四首

過雨桃花墜晚紅及時庭草翠翻風倚窓細究天人理  
六籍元無一字空

東皇無意染青紅長養猶資五日風收拾英華入新句  
祥雲藹藹媚春空

石火能留幾許紅人生南北馬牛風春光倒指無多日

相遇休辭酒盞空

六年奔走汗顏紅  
此日行吟兩袖風  
俗慮湔磨有詩冊  
淨看明月照長空

對雪寄范平甫二首

拂曙陰風舞六花  
滿城和氣醉流霞  
臘前已見三登瑞  
宿麥連雲有幾家

梅邊讀易看飛花  
時復拈杯臉暈霞  
一枕江南春夢破  
兩椽茅屋是吾家

海外貢花驢過

當年老鶴快乘軒猶遜花驢食萬錢昨夜燈前成獨笑  
癡兒方誦旅獒篇

航海梯山事可疑眼前今日看瑰奇布韋且莫懷孤憤  
秋菊春蘭自一時

天地精英及海隅獸毛文彩號花驢同來使者如烏鬼  
還責中原禮法踈

行臺飛檄敬來王多少飢膏委路傍忽見狂人鞭老驢

眼眇成滴背成瘡

次朱路教

十年萍梗走京塵  
慙負萱堂鶴髮親  
重讀新詩見真趣  
西風黃葉更愁人

盧溝橋

輿馬連年東復西  
巨鼇雙脇夾青猊  
荷旂食肉無非命  
顛顚相如不敢題

安平客舍

荒城四面盡陂陀人傍西山語漸訛  
一夜飯牛棚下宿愁聞閭里笑聲多

過先主廟

孫郎虎踞大江東曹氏威踰漢室雄  
後主不才諸葛死三年章武命何窮

索李副使畫梅

酷愛孤根暖獨回吳縑光拭向誰開  
小詩欲寄司花手昨夜清香入夢來

和曾彥禮書懷六首

溫風習習蕩層陰  
送別江城恨不禁  
此去知君有新渥  
故人多在玉堂深

水邊城郭易爲陰  
離恨羈愁兩不禁  
更入漕渠隨畚鍤  
浹旬無暇接清音

流水高山待賞音  
人生騰踏豈無心  
他時先步巖廊上  
莫遣門庭海樣深

江干歲晚苦多陰  
抱膝真成梁父吟  
此日餞行無別物

賡歌聊識故人心

皎皎陽剛破宿陰  
八荒民物動歡心  
得時行道男兒事  
巖谷幽居不要深

有客由來濟水陰  
凝寒駐馬亂山深  
新詩點檢人間事  
寫出千秋萬古心

謝曾斯立送菊就索公醕

庭前黃菊蔚成叢  
政要花邊酒類紅  
九日故人來送菊  
菊花重疊酒樽空

九日贈史同知二首

三年客裏過重陽底事  
怱怱馬足忙不是不歸歸未得  
故園松菊正荒涼

野花芬馥去年同和氣  
氤氲想像中何事此迴重九節  
解鞍牧馬故城東

冠州道中

田園歷歷盡耕桑車轂輪輶驛道長  
自笑此身無定在逢人猶問趙侯莊



梁門詠古

清風千古祀梁妻三尺荒墳古道西亞聖一言真迹在  
芳名宜與北山齊

喜至大都

土銼荒烟二十秋眼明今日見皇州輕裘肥馬休相笑  
本自無心秉燭遊

送張潤夫之遼陽簿尉三首

勉齋門左盡英奇又見髯張謝白衣華表東隅千古道

江山良是昔人非

理窟詞鋒總上遊  
馬容碌碌便歸休  
一官暫慰平生志  
不負長安二載留

客途相顧足情歡  
幾度青燈語夜闌  
明日遽成離別去  
因風毋吝報平安

題朱孝子卷後二首

白刃戕軀起病親  
黃童操志出天真  
古今臣子雖同節  
若箇臨危肯致身

人品元來本不殊  
良心一失蔓難圖  
好將孝子朱郎事  
提耳諄諄誨八區

賀朱鶴臯除江陰教三首

寂寞韋編伴采芹  
鳳銜新渥下楓宸  
門將此意推同列  
江北江南有幾人

清朝賢網自恢恢  
喜見覃恩到草萊  
世俗功名何足數  
卿家詩禮是梯媒

天上黃麻姓字香  
九原松檟亦生光  
泰山北斗還公論

笑殺人間馬足忙

示二舍弟仲吉四首

聖賢雖遠有遺書人品高卑本一初  
世事悠悠天不管此生勲業欲何如

偃蹇長松數畝陰初應出土細如簪  
人生各有凌雲操唯藉詩書盡此心

昔年南北事戈矛巨室芸編豈易求  
何幸詩書今滿案忍看秋草勢同休

迺兄辛苦博微官家道凌遲去住難堂上二親俱白髮  
望誰撐拄報平安

乙酉館中二首

束帶連朝見督郵簿書行役又經秋緬思彭澤歸來客  
何事無人管去留

或有處閒言寂寞冗官往往厭紛如誰能遂我還鄉意  
便把微官乞與渠

觀蘭亭箕山王侯書扁二首

大族高名百世同  
天憐佳話契元功  
山禽喚醒三生夢  
人在循環曲水中

當年脩禊適春殘  
此日興庠屬歲闌  
邂逅聞孫成故事  
至元應作永和看

題鶴銜珠報恩圖

推恩及物本無私  
報德遺珍似有知  
葦爾羽蟲成故事  
世間誰憶翳桑時

挽浙東李兩山宣慰四首

四年薄宦湘江東一柱中流識鉅公不附權門曾速謗  
孳孳扶植賴初終

契闊清芬二載強夢中顏采自難忘石城南下班荆日  
卮酒臨風感興長

戀闕丹心老益堅短蓬長路歲寒天誰知造物無情甚  
華屋丘山在眼前

闌干獨倚悼斯文詩藁重看苦憶君拭淚悠然追往昔  
天南漠漠障愁雲

心月相者重會維揚

識君黃鶴磯邊路心地高閒月影孤  
騎鶴樓前重會面清談還喜指迷途

和何御史登蔣山二首

亭亭孤塔聳青霄常與雲林伴  
間寥欲謝微官居勝境恐因涼德負清朝

千章夏木宜傾蓋一脉寒泉可棄瓢  
眼底塵緣猶未斷仙凡咫尺路迢遙



戲贈張仲豪經歷轉索東陽酒

吳會年來酒價高此生無計樂陶陶  
麴車誤認明公馬  
歸路流涎濕縕袍

曹文貞公詩集卷八

欽定四庫全書

曾文貞公詩集卷九

元 曾伯啓 撰

七言絕句

題廉文正公畫像

正學孤高踐履淳  
虞廷元凱漢星辰  
咸陽事業荆南傳  
百世中朝有重臣

題通通平章畫梅卷

畫出孤山清絕景誰其作者四王孫何當更假和羹手  
添就西南月一痕

餞高顯卿參政辭職北歸二首

邑宰無心見督郵千年猶得號前脩  
相君能識歸來趣占却中原第一流

江左繁華宰輔班星槎無恙便知還  
幾多傀儡棚中客想像高標亦汗顏

重九寄史中丞

陋室維摩病繞身詩書堆案樂清貧  
世間誰侶盤溝老  
報國歸來復報親

過桃川宮二首

山中花木四時春造物深藏太古醇  
若使漁郎知去路  
再容多少避秦人

莫道神仙事渺茫  
高人曾見海生桑  
無因駐馬尋清景  
極目西南世路長

良月既望憶仲通宰公兼寄君平察推

閒登黃鶴舊磯頭萬頃烟波起暮愁想像故人心似我  
漢陽門外望南樓

觀稼

瘦筇高隴看西成風偃黃雲四望平不賴天公憐赤子  
官逋私債幾時清

郭西獨行

落魄緋袍一蹇驢當年阮籍哭窮途冥搜盡日無佳句  
時復憑高望八區

九日月下小酌詠懷四首

娟娟霜月淨樓臺能照人生醉幾迴  
桂子新香薦新酒菊花留待後時開

賓鴈來時燕又東三年薄宦竟何功  
晴窗偶讀登樓賦昨夜山家入夢中

官況淒其懶問津秋光過却愈思親  
浮雲蒼狗悲游子白酒黃雞愧野人

花滿東籬月滿樓一尊清興濫風流  
歸來不及陶元亮

俗事紛紛欲破頭

題御史阿勒默斯松壑卷

雲壑蒼髯作真止歲寒潛德如君子不願青黃為棟梁  
長風遞入行人耳

題任士安葬親詩卷

卜宅山原奕世安于湖借潤散清瀾古今報本無多子  
破塚累累草棘寒

題黎景高僉事重修郎官湖太白祠卷後

兩朝文彩動朝端  
別國相逢得盡歡  
欲效當時謀一醉  
形容不似古郎官

郭文美由西臺御史遷中臺以母夫人在堂不待  
傳車預歸覲省忠孝備見三絕發據鞍盧胡一笑  
粲粲牙緋陝右來俄觀衣紫赴中臺不辭迂路三千里  
要博慈顏一笑開

筮仕先能稟至公  
簿書堆案愈從容  
靈禽已報還鄉信  
一點飛雲遶岱宗



賜環消息日邊來共賀清朝得俊才  
昨晚一天時雨霽  
太微光彩射三台

題梁國英牧牛圖

買得春風黑牡丹東臯常伴水雲閒  
披圖便覺歸耕好  
不履危機是此關

題宋成之畫馬卷

奚官珍重玉花驄縱意清漣碧草中  
幸際四庭烽火靜  
不須騰踏待秋風

與孫大方真人對酌木香棚下

每懷仙境到無緣  
綠暗紅稀又一年  
棚上雪香棚下客  
暫時分得橘中天

蘇昌齡時光山水小景圖二首

林壑微風草木香  
紅塵回首路茫茫  
多情一片東山月  
纔到滄洲駐景長

余生夢寐在林泉  
老眼披圖意豁然  
可笑勞神不知止

咸陽何啻路三千

時拜西臺  
中丞未赴

題蘇昌齡溪山讀書圖

一區精舍水雲間  
萬里春融百慮閒  
海內蒼生渴霖雨  
不應堅坐對柴關

題王君實孝行卷二首

薄遊王粲不遺親  
地迴天高只此身  
慘淡經營供子職  
四方觀感豈無人

報本丹誠誓不渝  
每逢歡樂變憂虞  
會須遂却中年願  
孝子忠臣不二途

庚戌立夏秋聲真人階前木香盛開劉叔敬提舉  
共賞有詩別後想像二絕呈木香主人

咫尺仙凡列二途至人懷抱只清虛一尊共適悠然趣  
鯤化鵬搏不羨渠

風雨瀟瀟春事休年光衮衮雪盈頭榮枯莫說槐根夢  
身世相看總置郵

衆御史議行酬答之禮宴集公堂僕預賓主無絕  
長補短之藝慮養小失大之譏口號錄呈正臣諸

公

傷廉傷惠兩皆難成始成終耐歲寒有往有來方是禮  
非實非主意何安

江東陳伯宣置莊名忠養蓋取事親爲大之義覽  
卷悵然

忠養名莊奉二親澹翁題扁重千鈞江寧陌上人應道

王塚丁祠德有隣

莊近王祥  
塚丁蘭祠

次鄭參政韻

白霄人人倦一來輪摧馬仆懼罹災知幾不似衡陽鴈  
纔到春深便北迴

題魏立之所藏榮啓期三樂圖

閱破浮生九十年從來三樂得天全  
情知不是塵中客兀坐橫琴答聖賢

題黃秋江釣月圖二首

其人善  
星學

渺渺秋江浸月宮扁舟來往一絲風  
錦鱗釣得渾閒事萬象包羅指顧中

桂影扶疎漾碧流  
高人歸隱坐垂鈎  
乾坤空廓心無際  
雨笠烟蓑老即休

慧山泉二首

南越甌閩北拒燕  
醯鷄來往甕中天  
年來已報霜飛鬢  
纔識人間第二泉

生平所嗜玩清泉  
照見塵容返自憐  
陌上行入汗如雨  
雲林深處重留連

歎宜興無錫飢民二首

時官為設糜  
僧闌不假錢

緇衣終日誦慈悲  
螻蟻傷生亦皺眉  
一鑊高懸萬人命  
貪嗔當畏老天知

沴氣無情苦降灾  
飢民往往背如鮐  
微軀不惜填溝壑  
還我生前布施來

醉中感懷

世間鄉族最爲親  
強半逡巡是古人  
縱使江南官况好  
也應回首一傷神

題焦潤之覺齋卷後



人心天理本昭昭，利欲無端日夜銷。  
說向迷途渾不省，世間鵬鷃各逍遙。

和劉平叔見寄二首

量若洪波重若山，紫薇花下願君還。  
誰知金穀塵埃底，猶自哦詩敢破慳。

杭睦相望水隔山，劉郎詩債未能還。  
耐官到底無清濁，造物從來有賸慳。

中元日雨不出悼所喪馬呈憲府諸公三首

踏破囊中萬里塵，爭知駿骨委咸秦。  
飛騰不是書生分，東望家山一慘神。

酷烈薰心不可醫，終朝起伏向人嘶。  
方瞳失却來時路，草滿秋原水拍隄。

墮甑皆言莫繫懷，行人不見邑人災。  
忽聞隣叟悲還笑，祇爲狸奴去復來。

題奉元韓氏所藏藍關風雪圖，孀親賜絹并先隴  
畫圖三詩卷三首

秦關風雪路崎嶇入道回天計亦迂一自謫遷爲口實  
後來尤弊蔓難圖

天上霜縑寵渥光階前蘭玉姓名香長安潤屋知無數  
一笑輸君戲綵堂

手植松楸慰九泉慶門能識性中天悠悠南北雲萍客  
愧讀春風錫類篇

奉贈施水菴僧

萬疊雲山遶梵宮黑衣三五坐談空適來車馬迎門處

一念應歸有相中

礪山諸友會詩邑泮作絕句紀預詩盟之意

秋望

凝望秋原景不窮  
淒淒風色去年同  
菊黃楓赤渾閒事  
一片西成在眼中

愛菊

人間衮衮惜花王  
得侶東籬興味長  
擷秀餐英期晚節  
相看日日是重陽

諸生酬唱以九日言懷西郊晚望爲二題因念春三  
秋九乃南北士民行樂之時重陽迫近河決虞城鄉  
邑三面皆被其害別墅數間亦在洪浸吾今而後知  
樂人之樂者憂在其中矣冥冥造物豈易量哉二絕  
發諸君一粲

九日言懷

黃流衝決沒平原孤負秋英泛濁醪想像生靈半昏墊  
急營棚棧哭登高

西郊晚望

步屨郊垌樂未央  
金天忽變水雲鄉  
行吟策杖乘高壘  
猶剩薔花撲鼻香

題許宜之三詩卷

樂善樓

心君樂善故名樓  
占却人間第一籌  
視履考祥端可必  
郎星炯炯照吾州

文會堂

講明聖學遠方來仁宅居安義路開多少紅塵名利窟  
歲時相遇只銜杯

壽許公

八袞因循又七年松姿鶴骨只依然傍人錯擬真君後  
自是安陽陸地仙

賞中秋月用礪山諸生分韻

平分秋氣散晴空坐待銀盤上海東美酒清歌誠外物  
滿懷佳致與人同

送婁行所覲省廬陵二首

東淮遊覽復江西多少風光入品題不信窮通有成筭  
世間鳬鶴幾時齊

歸心黯黯楚山蒼離恨悠悠江水長功利儻來將底用  
願君常葺讀書堂

寄題劉氏義學

人間樂事育英才天下高風義學開崇化勵賢需茂舉  
使華先指鄧林來



送吳養浩貢士歸省

冥鴻小却暫西歸，莫恨功名與願違。  
材大古來難適用，終期綵服換朱衣。

仁宗皇帝在藩邸，趙人劉士中登塔採鵲供尚膳。  
墮地幾死圖像求，詩因書二絕于後。

薦羞捫鵲冒層烟，默識神龍已在淵。  
誰料半途成廢墮，不教隨侍九重天。

丹誠一點誓忘生，不爲當時識姓名。  
福善禍淫天道遠，

滿檐詩卷若爲情

題史總管隨車雨詩卷

乾坤漠漠困黃埃  
陌上傳呼太守來  
甘澍應時醒萬物  
歡聲何啻發春雷

送寇致中歸永城

諸生誘掖漸還淳  
世事關心忽問津  
此別不須增感慨  
大河南北即鄉隣

題東丹王乳駒圖

目眇神慘骨凌兢蘊抱終天母子情惻隱更思推此道  
含靈孤苦可憐生

常光明喻李彥政既盲之目因綴一絕於中丞趙  
公序末

何處浮雲翳太清飛廉驅逐便開明常君侶是迴天手  
好藉餘光老魏京

題建康路教湯碧山金陵十詠卷後

清詞十闕弔興亡華屋丘山夢幾場一片東南佳麗地

老懷吟詠轉淒涼

五言絕句

見山亭

義興  
賑濟

暮宿見山亭  
翛然心境清  
飢民不忍聽  
那更候蟲聲

曹文貞公詩集卷九

欽定四庫全書

曾文貞公詩集卷十

元 曾伯啓 撰

樂府

滿江紅次元復初韻

四十年間問何似古人方畧時自笑致身無策療貧無  
藥世事從來如意少宦情已比當年薄更不須勲業鏡  
中看今非昨 眠矮榻登高閣携短杖斟長杓放屈伸

由已碧空盤鶚較短量長無定論抗塵走俗非真樂筭  
從前有鐵鑄難求人錯

水龍吟用楊脩甫學士登岳陽樓韻

岳陽西望荊州倚樓曾爲思劉表國亡家破當時豪俊  
魚沉鴈渺王霸紛更乾坤搖蕩廢興難曉記觀山縱酒  
巡簷索句宿官舫蓬窓小不畏黑風白浪伴一點殘  
燈斜照棹歌明發天光無際得舒晴眺萬里馳驅千年  
陳跡數聲悲嘯試閒中想像興來陶寫付時人笑

如夢令贈道夫二首

學有探竒索妙命有人憎鬼笑難與老天爭寂寞漢陵  
周廟權要權要林樾有人清嘯

榮悴本來何處看取岸花汀樹醉眼眩青紅欲問真源  
無路歸去歸去風外數聲齊女

酹江月次王君陽李敏之過龍門韻

洪崖中斷似蜃樓幻出層簷疊脊欲問真源凌絕頂安  
得乘風羽翮勢利相忘驅馳不憚面背皆京國源泉混



混恍如夾右碣石 遙想巢父襟懷東溟烟霧裏片帆  
如席逸氣崢嶸今老矣惆悵劒門千尺細草平沙弊裘  
羸馬長路無人識家山回首不應猶作行客

酹江月用子周漁司詠雪韻

六花淩亂筭神工不用并州刀剪乍密還疎斜復整眼  
底萬更千變宿夢連雲遺蝗入地四海愁顏展呼童洗  
酌更宜簾幙高捲 還念去歲無聊來秋有望仰戴天  
行健江上漁人應笑我世路縈迴如篆何日言歸此心

無競茅屋臨清淺蒲懷春意坐令寒谷生暖

滿江紅次白君舉州倅所寄韻君舉三十年前友  
屢示佳製讀之令人起敬比以簿書倥傯不遑酬  
答聞改除天台恐因得簪盞於惠泉之側用以叙  
懷

壯歲分携凝望眼畧無虛日嗟我輩江南江北爲誰形  
役自愧散材非管鮑遙憐老友真元白况文章之外有  
良能安民策談笑興浮雲隔離別恨流年逼試賡歌

雅韻不論呼吸百粵溪山應好在半生萍梗無終畢流  
行坎止任天公吾難必

水調歌頭次復初韻

山林隱君子無意事王侯天戈一日南指多少賈胡留  
不效熊舒龜息却羨蠅頭蝸角我亦滯南州十載厭奔  
走贏得雪飛頭苦思歸歸未得恨悠悠悠悠身世何  
物野渡一橫舟用舍隨時無定得失於人有命誰解曲  
如鉤兀坐閱今肯風露一天秋

水調歌頭和盧仲敬太守

嘗為武林客歡洽快平生誰知分袂江滸西往復東行  
今日簿書旁午明日山川迢遞愁恨幾時清迴首舊遊  
地天遠暮雲平鬢雙皤腸百結意何成多應故山猿  
鶴笑我尚爭名儘自轟轟烈烈到底休休莫莫何處覓  
卿卿夢寐想歸路濡筆寫心聲

南鄉子二闋四川道中作

蜀道古來難數日驅馳興已闌石棧天梯三百尺危欄

應被傍人畫裏看  
兩握不曾乾  
俯瞰飛流過石灘  
到  
晚纔知身是我  
平安孤館青燈夜更寒

十月出秦關  
竟日悠悠杳  
靄間  
直到蠶魚開國地  
躋攀  
行盡千山復萬山  
歸轡動歡顏  
江路梅花笑往還  
稚

子候門何日到

一作應有語

癡頑好把虛名付等閒

舟行辰沅江中小  
詞數闋呈建中御史

鵲橋仙

杜鵑聲訴  
鷓鴣聲助  
催上黔陽歸路  
輕舟短棹  
泛滄浪

霑兩袖夜郎烟霧 雲山如暮灘流如怒石齒巖然無  
數天涯愁緒不堪論這光景能消幾度

臨江仙

水出五溪成一派滔滔日夜東流倦乘鞍馬却乘舟向  
來危處怯此去險中愁 咿軋數聲離岸櫓異鄉身世  
悠悠斲教杯酒放眉頭癡兒官事了聊作子長遊

同前

夾櫓聲喧鷺鷥中流石散牛羊岸邊茅屋半戎羌淡烟

籠寂寞微雨助淒涼

吟麥綠山糝綠巖花落水流香

離騷記誦不成章殷勤蘭與芷千古為誰芳

浣溪沙

世態紛紛幾變更  
天南地北只虛名  
一簪華髮可憐生  
旅食驚心三月到  
浪花吹面一舟輕  
中宵屈指計歸程

同前

解纜西南杳靄間  
萬重烟水間雲山  
櫓聲搖蕩五溪蠻

世路看來行欲遍頭顱到此合知還從今猶得十年閒

木蘭花慢壽郝仲明

益都人

論寰中英氣人盡說古青州看東拆滄溟西瞻泰岳南  
控營丘千古能稱管晏道而今人物更風流磊落曝書  
公子從前從事公侯勲名初不願依劉耿耿運良籌  
聽萬里揄揚一門冠蓋三世箕裘屈指瓜期已近願平  
生相遇盡卿儔好記壽觴先舉尊鱸江上新秋



沁園春和復初省郎韻紀仲春陪諸名公遊西山

同行都省掾元明善復初行省掾尉遲亨亨甫福建同提舉毛吉甫

山色湖光宜雨宜晴春來惱人笑勞生強半登臨有興  
身司筦庫所向無親馬服車轅鷹羅條鏃也算人間一  
度春渾無賴怕岸花汀草彈指成塵朋簪樂我天君  
更不管長鬚喜與嗔任把酒論文且行且止幕天席地  
誰主誰賓敬德猖狂春陵笑傲延壽丹青畫不真歸鞍  
好向梅山東下數點行雲

八聲甘州和鄭澤民

算人生南北何如彷彿過青春似斷蓬飛絮平生懷抱  
何處通津懽逢故山好友終日藉陶薰芥蒂淨如此咸  
與惟新 男子十年勲業謾無成一事負却晨昏便功  
名都了轉首是非塵又滯此蠅營狗苟料山英也笑趁  
虛人誰相約重尋故步輕理遺文

水龍吟再和脩甫學士

高樓壯觀東南迥然拔出千林表月簷明爛風櫺蕭爽

烟波浩渺菊遲新秋柳谿薄暮桃源清曉慨登臨感慨  
悠然引興銀盤內青螺小 自念當時行役顧菱花不  
堪頻照江山如故中原在眼幾番危眺浩浩洪流茫茫  
塵世儘堪吟嘯但優游老景浮湛里閑任邦人笑

木蘭花慢和史顯甫左丞韻畧顧平日所長兼道  
比年區區之懷老疾互攻苦無佳思祈相望一笑  
羨紫芝眉宇正臺閣濟時人况公是公非知常知變樂  
道安貧案前簿書旁午抱丹誠一點伴青春偶遇科條

隱密不辭辨雪殷勤 德星今日是鄉隣  
癯老阻蹄輪  
喜陸地神仙山中宰相詞語清新河濱預沽佳釀待幽  
花相對樂情真幸有清風皓月何須翠袖紅巾

曹文貞公詩集卷十

欽定四庫全書

曹文貞公詩集後錄

大元故資善大夫陝西行御史臺中丞贈體忠守  
憲功臣資政大夫河南江北等處行中書左丞上

護軍追封魯郡公謚文貞曹公神道碑銘

并序

文宗皇帝初即位銳馬圖治以風紀之司視聽所繫正  
便尤宜宿望詔引年未罷者悉復之公自浙西謝歸碭  
山五年矣起使淮東淮東吏庶喜公之至復虞公之不

久留也未幾果有西臺之命使駟敦趣行次汴梁疾作  
迺喟然曰七十歸事著典也君命急趨大義也至于黜  
齒亢顏持寵而不知止深懼也遂屏傳揖使者駐車卧  
簡書又至終不起尋引歸一時被命者亦相繼去位于  
是天下之士高公之先決信公之遺榮也明年四子泰  
亨卒于閩公往拊之過丹陽復聞長子震亨歿毗陵哀  
痛因仍盡然自療矣是冬其季復亨自碭來迎病不能  
歸又明年春竟卒于毘陵別第貴亨復亨率孫允等扶

匱還葬所過城邑士大夫哭之曰雅德亡矣其如善類  
何今天子即位之二年有司以公之事狀來上惠卹之  
典命數有加仍詔臣鑑為銘墓道以示有衆臣鑑謹按  
曹氏世家定陶者實周文之昭地裔時代變遷聚裂還  
往率不遠遼濟毫間公諱伯啓字士開自高大考諱洧  
以上務行省補據必以名役移中書畫可惟品八正從  
流官乃應格同諮者十餘公資逾格左司議府皆難之  
梁薊公時為左丞閱之曰是曹伯啓者非士開乎斯人



負才望二十年而尚齒簿書例可限耶特允之大德五  
年進承務郎常州路總管府推官郡民趙友諒之妻江與  
同居湯氏子通友諒殺湯而釋其妻江父千夫長素富  
俠恥女見汚詭壻酤酒而然實非以奸徧賂當要屬公  
信愛故人從容訪公道其故且以緡五萬為贄願如其  
請公毅然曰友諒固鉅凶彼其嫚書褻服往來章章者  
不究其根則亂倫者回容而償殺者非本罪可乎故人  
不敢復語獄上友諒竟以減死論富室黃殺人事覺厚

資其佃李亞羅誣服公閱實正之人服其明宜興無錫  
二州饑推鞠專刑不與它務行省特檄公濟之民以無  
殍十一年陞奉訓大夫河南行省左右司都事至大三  
年制授朝列大夫台州路治中未赴拜西臺監察御史  
詢部必以學校教養程督為先猾徒囂頌所司少抑之  
即鱗以贓私許于憲治聽者或不詰實徑符庖于罰間  
有心察其寃例以嫌不之省公必研諦以情兩造俱盡  
乃麗之法進朝散大夫本臺都事轉中順大夫召入中

臺都事延祐三年從中憲大夫刑部侍郎湖廣行省右  
丞裕嚕布哈前帥八省忿禦搖散卒野鵲劉等桀黠難  
制密搆土官以兵掩誅其魁黨因而剽及良民牒訴紛  
亟狴犴充斥又新添及平伐猺賊交亂西南以擾聞命  
公偕兩臺御史本省叅政賈馴蒞鞠之行次沅州道且  
梗公曰進非兵衛不可彼諸番部長萬一驚疑狙候為  
患不細今乞往新帥習著威名若馳一分與之議靡不  
有濟衆然之乃遣今監察御史楊鵬單騎詣之果得要

領以歸上坐前帥擅興罪餘悉以安大同宣慰臣撲運  
嶺北糧歲石以億計實不副直肆為欺罔御史發之賊  
累鉅萬朝廷數使督徵皆反而游言最後遣公其人死  
公引喻其子弟曰公逋死無貫與其斲援以賂曷若送  
官第條汝父所賂者移文扣之顧不末宥汝負耶受賂  
者聞之率潛歸如數朞月得五十萬緡訖無可理者列  
上與免廷議遽之轉通議大夫出為真定路總管路當  
孔要諸王重臣往來驛頓未始以供億漁擾其民見戶

代輸流亡之賦工徒廩餼久不繼悉除給之拜大農丞  
天下賦入鹽利逾半而淮浙尤重自初附以距延祐增  
直十有關倍官鹽既貴盜販蜩興鹽四百斤關判貯

兩席滑商罔場吏贏加有半由是前額虧懸竈丁不勝  
楚毒先置官檢校終莫之革四年朝廷納李英之策以  
英充兩浙運使別檄公與行省試可以聞乃罷掣製杭  
州嘉興各為一倉浙西諸場隸焉紹興溫台各為一倉  
浙東諸場隸焉倉設常選監使副使監運員官售席索

諸場一歲之筴比初冬合竈畢輸于倉闕積之引商

坐闕各部州縣水客闕

定其估引二百緡有畸

捐四之一以歸商餘悉入官監運場吏丹人增損袋法盜賣漏失及各倉旬較月比貨輸不及者有罰如是法一而私鬻亦闕多歸報遂著令迄今稱便尋除

闕書侍御史因言諸被枉赴愬上中外臺司今訟

冤者一切莫問非制也闕覆讞實則直之妄則加

論可也于是羣議譁然公尋亦去矣拜福建廉訪使未

行改右司郎中數月除山北廉使召為集賢侍讀學士  
俄拜侍御史同刊定大元通制出為浙西廉訪使國子  
丞陳觀二子相繼沒以書唼公曰吾祖簡齋嘗守湖州  
遺孫照在馬照兩子公為丐一以嗣我他日死當不朽  
未幾觀卒公召照示以觀書且曰周以太姬配胡公而  
封諸陳此意不可失也照泣而從之公資以牢幣命子  
復亨同抵京師觀卒有後其誠以孚人類如此平居每  
戒學者必以不欺為本而以亥廣適用為學曰學不適用

猶不學也又曰學未融會不可與言道心未洞達不可  
與計事故臨政莅民清勤不懈既不閤畧吏文而每事  
必本于經術心要居家興寢夙夜未嘗少肆喻子弟以  
莊飭僮僕以謹祿入量出禮儉自持衣有三十年而無  
浣敗者人語以謀生若弗聞也及卒家無餘蓄度惟琴  
書所著詩文若干篇號漢泉漫藁初配李氏政苦內助  
事舅姑稱孝先公三十八年卒追封魯郡夫人生四子  
震亨追封晉陵縣尹賁亨今臨江路儒學教授謙亨讀



書早卒泰亨仕至福建鹽運使司經歷二女一適南臺  
掾史趙大同一適餘杭巡檢張居仁再配石蓋氏卒今  
配石蓋氏其妹也有淑德恩以拊下人未嘗窺其喜怒  
累封魯郡太夫人生二子復亨前侍儀通事舍人履亨

西臺察院書吏孫男八人闕以公廕承事郎江陰州判

官過祖

闕

府令史敬祖天長縣儒學教諭

闕

敬祖勤于藝業克配其嫡榮祖

闕

江浙行省欽祖弘

祖明祖繼祖皆從學女十人曾孫男二人曾喜

闕

女

闕人公生以乙卯年十二月三十日卒以至順癸酉二

月十六日壽七十有九葬以碭山縣孝第鄉之闕

中大夫禮部尚書臣曹鑑奉勅撰翰林侍講學士通奉  
大夫知制誥同修國史知經筵事臣張起巖奉勅書資  
善大夫中書左丞知經筵事臣王結奉勅篆額

闕

闕

年歲次癸酉三月乙丑闕

事馮

勉儒學教授詹天闕

門生蔣德鄰趙楷等

謹以剛鬣柔毛薄奠敬祭于故資善大夫陝西行臺御史中書左丞之靈嗚呼孰謂我公而遽亡乎中原之者舊朝家之元老如星而晨如木而霜惟公挾河嶽之英累臺閣之勲殆歸然其如魯靈光故望風采者恍天垂慶雲之昭章聆音聲者宛律噓寒谷之春陽諧契誼者郁九畹蘭蕙之交香蒙引拔者蔚大田稻苗之待秧前者或班班乎青史後者或駸駸乎周行嗚呼孰謂我公而遽亡乎昔盤桓乎憲府今老栢寒烟其黯蒼蒼昔從容

乎翰侍今紫微夜月其慘光凡舊撫之州縣皆愴其如桐  
鄉舊憇之郡藩皆鬱其如甘棠獨毗陵而尤永不忘信  
乎遺愛遠而洋洋如水流深而泱泱方德星之聚茲驚  
執法之隕芒嗚呼孰謂有憾傷乎賢而顯庸終以壽康  
與漢之疏傳唐之白杜渺高風其相望嗚呼孰謂無憾  
傷乎白髮何短丹心何長視周之尚父衛之武公猶足  
以論道而熾昌固當世之所期奈司造之靡常宜乎時  
之公卿大夫思其諂謀而稽典章四方之官游而好

修思其猷謨矩度之允良凡吾輩之後生小子思其德業之粹美思其表儀之端方思其言秩秩而溫思其貌昂昂而莊思其穹貴高年而能謙謙以自將嗚呼一朝而迴隔于杳茫徒重泣涕之浪浪有烈其椒漿載酹其餘芳尚饗

文貞公哀辭

趙楷

御史中丞碭山曹公大德中為常州推官家君再辟府曹掾公特愛重之公仕繇儒進故崇儒今財賦總管曹

公克明時授學官客常州公日延至會僚友說書時楷  
始十歲家君攜往觀聽公召使前問所從受業俾誦大  
學終卷公甚喜間至先師一山李先生塾命賦詩或加  
賞予勉卒業後三十年公膺中外重任望益隆綸命沓  
至最晚浙西憲使致仕特恩起淮東憲使尋除御史中  
丞分司陝西得旨許告老遂歸礪山故里扁所居軒曰  
知止齋曰容齋堂曰餘慶自號漢泉從鄉名也至順三  
年春公來常州會長子歿又離暑雨河溢涉秋遂留過

冬楷方家居為童子師公俾其孫弘祖從楷學時至楷所不急有教與家君尤相好每憐其貧而悲其老或時餽酒肉助楷甘旨具公天性謙裕凡所往來歷造其家道舊故如平日公昔在江南得脾疾至是復作二子賁亨復亨視湯液不離四年二月朔楷往候問進見簣次語笑晏如十有六日加劇夜二鼓忽忽捐館春秋七十有九公仕清要數十年凡所以尊主庇民彰善癉惡事不一書而貴富壽考以功名終近世公卿鮮能及者三公子皆

從事憲府孫嫡以公蔭官上州佐伯孫男女二十餘人侍夫人  
與喪會常州嗚呼公生也無憾死也奚哀然措所哀者哲人不  
可復作音容歎息隱然杖屨私有所不能自己者謹為之詞曰  
碣之雲兮英英寡夫人兮好修靈雲漢兮文章佩服兮瓊  
珩劃天閣兮洞開遡闕

周人禮樂晉風流臺省歸來已白頭韓柳文章登翰苑  
崔盧姓字在金甌幾年人避青驄馬一夕天成白玉樓  
華屋山丘今已矣羊曇那忍過西州

劉文炳



大雅光前哲清名著汗青中原推閎閎後學仰儀刑別  
業依南斗修程起北溟繡衣登憲府白簡肅朝廷食藥  
餘深味安車及暮齡芳蘭今滿砌丹桂已充庭致政尊  
元老間居炯魯靈渭濱驚斷夢華表竟摧翎岱岳收英  
氣文昌返列星一朝傷永訣千古闕遺經謬忝殊知厚  
徒憎泣涕零無因歌薤露有恨寄泉局

章懋  
卿

望極中司責如公復幾人金章二品秩白髮九朝臣蟻  
國空成夢烏臺只自春臨風一慟哭回首重沾巾天下一

大老人中三達尊西臺思舊德北闕寵餘恩冰蘖全忠

孝牙緋過子孫生榮死無憾何用苦招魂

陳禹遠

中丞臺閣名猶重元老衣冠夢已空月俸終身丞相下

春雲滿屋碣山中東都供帳榮疏傳南國甘棠憶召公

三十年前掾曹在青衫老淚濕東風

趙士元

中原文獻已星稀又向南州哭繡衣小井夜寒神劍化

碣山春暖卧龍歸名揚臺閣生無憾澤潤兒孫死有輝

情斷些歌招不得淒風丹旆暎雲飛

蔣德鄰

麟鳳世罕見如公能幾人官高不知貴道在豈憂貧霜  
操西臺栢天年大澤椿一時泉壤恨千載淚沾巾

徐士

榮

使鉞風霜肅臺綱日月新青山尋勝事綠野老閒身家  
世傳清訓朝廷憶舊臣蒲輪空有夢薤露已傷神睿思  
深黃閣嘉謨動紫皇典刑公尚在精力汝誰強用老需  
丹宸辭榮綰繡裳九原不可作天地颯淒涼

陸元善

公輔雄才邁等倫丹心鶴髮九朝臣幾年館職登金馬

一旦堂封踞石麟，芒碭秋風空灑淚。  
蘭陵夜雨獨傷神，那堪回首談經處。  
雲白山青不見人。

陳宗仁

麒麟閣上舊功臣，夢斷秋風渭水濱。  
漢室衣冠一丘土，曹門詩禮百年人。  
霜餘烏府留蒼柏，雲黯燕山隕大椿。  
嗟我平生竟安仰，楚江回首淚沾巾。

東選之

洪鈞播萬彙，細大殊不同。鳳凰託高梧，天馬嘶冷風。  
芒碭多奇氣，高人天所鍾。馳聲益崇大，起家繇章縫。  
走謁承明廬，立朝見清忠。歷官老臺閣，仁惠蘇罷癯。  
致政謝

天子綠野思明農子孫樹門戶觴詠何雍雍歡好未渠央  
太白朝已東斯文就淪喪我輩將疇宗眷言思君子  
感深情內訐生芻蕘何益拊棺徒自恫死別良可慙揮

淚嗟無從

王德元

栢府推元老投閒出鳳城席殫方獲拜窀穸忽悲驚天  
上魚符墜人間柱石傾碣峯丹旆遠拭淚不勝情

劉景

聖

北闕尊元老殊恩贈秩新致身崇學術歷職近衡鈞丹

旌含雲幕彤駟肅路塵應留舊遺像千載照麒麟

蔣幹

譙國中丞貴冠裳起縉紳懸車方告老曳杖忽傷神臺

閣思清論朝廷憶舊臣春風碭山道行者淚沾巾

蔣幹

重祿中丞貴高年八袞尊懸車謝簪紱曳杖賁丘園故

典憐文獻豐碑示子孫無由拜床下春草夾新原

班宗義

譙國衣冠百世榮中丞斧節重時名雞林此日懷文獻

烏府何年見老成未死青驄應有淚遠歸丹旌若為情

使君英氣還千古回首蘭陵空月明


劉璣

右漢泉漫藁故贈河南左丞曹文貞公所作也五七言  
古詩長句律體樂府總若干首其子江南諸道行御史臺  
管勾復亨什襲成帙國子生胡益編為十卷江南諸道  
行御史臺侍御史濟南張公翰林侍講學士國子祭酒  
廬陵歐陽公禮部侍郎趙郡蘇公國子司業太原呂公  
為叙其端復亨以余與文貞公有平生之好故于余言  
是徵四公當世文章士也紀述之詳歌頌之英雄瞻恣  
備奚以余言為然嘗聞三百篇之義尚矣美善刺惡嚴

嚴乎如秋霜夏日及乎成孝敬厚人倫美教化移風俗  
則溫溫乎如祥風甘雨有不自其然而然者發之為政  
事播之為聲樂殆不可以言語盡曹公以儒發身數歷  
中外官輟四方故其寄寓紀述懷感諷刺賦詠目擊耳  
聞真履實踐溫秀雅麗諸製皆工非苟作也其吟詠情  
性流出胸次有足自樂嗚呼予豈深知詩者哉一以重  
復享之請嘉其能保文貞之澤而又能壽諸梓以廣其  
傳一以樂諸縉紳先生能發揚文貞平昔之蘊奧故引



數語書諸序後云至元後戊寅秋特進上卿玄教大宗  
師吳全節書



曹文貞公詩集後錄